



Sarajevo, 11.09.2024. godine

Broj: I-138/24

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO FINANSIJA
N/R GOSP. TONI KRALJEVIĆ, MINISTAR

PREDMET: Dostava Inicijative za dopunu Pravilnika o primjeni Zakona o porezu na dobit

Poštovani g. Ministre,

U prilogu Vam dostavljamo inicijativu za dopunu Pravilnika o primjeni Zakona o porezu na dobit na nadležno postupanje.

U posljednje vrijeme obraćaju nam se kompanije, naše članice i ukazuju na prilično nov problem i praksu u primjeni Pravilnika o primjeni Zakona o porezu na dobit. Primjenjujući Pravilnik, članove 55-67. i 109-115., Porezna uprava FBiH oporezuje privrednike u FBiH porezom po odbitku, iako je taj porez plaćen u državi nerezidenta, a čime se ustvari neprimjenjuje Međunarodni ugovor o izbjegavanju dvostrukog oporezivanja.

Naime, u Federaciji BiH veliki broj kompanija ima poslovnu saradnju sa online platformama kao što su Google ili Meta. Prihodi koje nevedene kompanije ostvare od kompanija iz FBiH oporezivi su porezom po odbitku, jer se radi o ino pravnim licima koja ostvaraju prihode obavljanjem usluge na teritoriji FBiH. Međutim, obje online platforme fakture ispostavljaju iz države sa kojom BiH ima zaključen Međunarodni ugovor o izbjegavanju dvostrukog oporezivanja (Republika Irska), temeljem kojeg bi njihove usluge uz primjenu navedenog ugovora trebale biti oslobođene obračuna poreza po odbitku. Međutim, to se u praksi ne primjenjuje zbog dokumentacije koju je potrebno dostaviti u svrhu oslobađanja poreza po odbitku (detaljno objašnjeno u inicijativi koja se nalazi u prilogu dopisa). Razlozi su potpuno tehničke prirode, ustvari Međunarodni ugovor o izbjegavanju dvostrukog oporezivanja predviđa oslobađanje od obračuna poreza po odbitku u slučajevima kada je porez plaćen od strane nerezidenta u Republici Irskoj, što je u ovom slučaju i urađeno.

Naglašavamo da zemlje okruženja nemaju ovaj problem, a i Republika Srpska ga rješava tako što priznaje potvrdu o rezidentnosti za nerezidenta.

Iz prethodnog proizilazi da je potpuno očekivano da se ovo pitanje rješi i u Federaciji BiH, a sve s ciljem izbjegavanja dvostrukog oporezivanja i osiguranja primjene Međunarodnog ugovora o izbjegavanju dvostrukog oporezivanja (sa Republikom Irskom).

Mislimo da je ovo pitanje moguće riješiti u kratkom roku kako bi olakšali poslovanje privrednih društava i obrta u Federaciji BiH što je i interes poslodavaca i vlasti, a sve u skladu sa važećim domaćim i međunarodnim propisima i ugovorima.

Ukoliko umjesto ove inicijative imate praktičniji prijedlog saglasni smo sa svakom Vašom aktivnošću s ciljem što skorijeg rješavanja ovog bespotrebnog nameta i obaveze privrednicima u Federaciji BiH.

Najljepše Vas molimo i predlažemo organizaciju radnog sastanka na kome bismo u slučaju potrebe dodatno pojasnili našu inicijativu. Ljubazno molimo za povratne informacije kako bismo o tome informirali naše članstvo - podnositelje predmetne inicijative.

S poštovanjem,

DIREKTOR
Mario Nenadić

